

2013-mi sulisinnaasut pillugit kisitsisit saqqummerput

2013-mi innuttaasut najugaqavissut 14-ileereersimasut agguaqatigiissillugu 25.461-it qaammatini tamani sulipput. 2012-mi inunnit 40-nit ikinnerusut. Suliffigisami pingaarnermi agguaqatigiissillugu qaammammut akissarsiaq 25.671 koruuniuvoq, ukiumut siulianut sanilliullugu qaffariaat 1,8 pct.-uvoq.

Tabel 1-mi takuneqarsinnaavoq, 2008-miit 2013-mut najugaqavissut akornanni sulineq inunnik 560-nik appariarfiusimasoq, tamanna pivoq naak innuttaasut najugaqavissut 14-ileereersimasut piffissami tassani 1.291-nik amerlisimagaluartut. Taamalu innuttaasuni sulineq (sulinerup annertussusaa) 2008-mi 62,5 pct.-miit 2013-mut 59,3 pct.-mut appariarpoq.

Tabelimi takutinneqarportaaq, sulinerup annertussusia 55-it ataallugit ukiulinnut tamanut appariartuinnavissimasoq. Utoqqaanerusulli akornanni suliffeqarneq, qaffakkiartuinnavissimavoq – ingammik 60-it 64-illu akornanni u- toqqaassusillit akornanni. Qularnanngitsumik tamanna ukiut soraarninngorfissat piffiup ingerlanerani 63-niit 65-nut qaffanneranik peqquteqarpoq.

Tabeli 1. 2008-miit 2013-mut sulineq sulinerullu annertussusaa

	Innuttaasut najugaqavissut ¹		Sulineq qaammammi ataatsimi agguaqatigiissillugu (amerlassusaa)		Sulineq qaammammi ataatsimi innuttaasunut ataatsimut sanilliullugu (pct.)	
	2008	2013	2008	2013	2008	2013
Katillugit	41.623	42.914	26.021	25.461	62,5	59,3
15-19 ukiullit	4.315	3.860	1.508	1.017	34,9	26,3
20-24 ukiullit	4.024	4.438	2.448	2.383	60,8	53,7
25-29 ukiullit	3.561	4.036	2.458	2.537	69,0	62,9
30-34 ukiullit	3.064	3.720	2.376	2.603	77,5	70,0
35-39 ukiullit	3.507	3.028	2.707	2.312	77,2	76,4
40-44 ukiullit	5.499	3.408	4.263	2.575	77,5	75,6
45-49 ukiullit	4.996	5.336	3.815	3.942	76,4	73,9
50-54 ukiullit	3.889	4.748	2.816	3.384	72,4	71,3
55-59 ukiullit	2.843	3.606	1.919	2.450	67,5	67,9
60-64 ukiullit	2.257	2.514	1.180	1.521	52,3	60,5
64-it sinnerlugit ukiullit	3.668	4.220	532	736	14,5	17,4

¹ Taaguut innuttaasut najugaqavissut ima nassuiagaavoq, innuttaasut tamarmik nunami najugaqartut naatsorsuiffiup ukiuata aallartinnerani naanerani. Malugiuk: Ataaticigut titarlugu naqissuserneqassaaq, suliffissaaleqinerup procentia tabelinit inernilerneqarsinnaanngitsaq.

Najoqqutaq: Naatsorsueqqissaartarfik. <http://bank.stat.gl/ARNBFB5>

Tabel 2-mi takuneqarsinnaavoq, sulinerup ingerlatsisut affaat sinnerlutik meeqqat atuarfiani atuareernerup kingorna ilinniarnermik allamik naammas-

sisaqarsimangitsut. Inuit ilinniakkamik allamik ingerlatsisimangitsut ikliartorput, inuilli suliaqarfinni tamani ilinniartut amerliartorput.

Tabelittaaq takutippaa, ilinniakkap qaffasissusiata akissarsiallu agguaqatigiissinnerata akornani annertuumik ataqatigiiffeqartoq. Assersuutitut inuit ingerlaqqiffiusumik ilinniagallit meeqqat atuarfiannit ilinniakkamik allamik ingerlataqarsimangitsunut sanilliullugit agguaqatigiissillugu marloriaatingajamik isertitaqartarput. Malugineqassaarli, suliffiup sivisussusia akissarsiap naatsorsornerani ilanngunneqanngimmat, taamalu ilimagisariaqassaaq piffissaq tamakkerlugu sulisut qaffasissumik ilinniagallit akornanni annertunerpaausimanissaat. Tamannattaaq pequtaasimassaaq inuit ilinniaqqittut akissarsiaasa annikinnerunerat. Ilimanarpoq inuit pineqartut amerlanersaat ilinniarnermik ingerlaqqiffiusumik ingerlatsisimanissaat, amerlasuut piffissap ilaanaa atorlugu suligunanerat tunngavigalugu.

Tabeli 2. 2011-miit – 2013-mut sulineq qaammammusiallu agguaqatigiissinnera ilinniarsimasamut qaffasinnerpaamut immikkoortillugu

	Sulisut amerlassusaat qaammammut ataatsimut agguaqatigiissillugit			Suliffimmi pingaarnemi qaammammusiaq agguaqatigiissillugu (kr.)		
	2011	2012	2013	2011	2012	2013
Katillugit	25.489	25.501	25.461	24.515	25.227	25.671
Meeqqat atuarfiannik naammassinissimasut	14.445	14.132	13.882	19.724	20.535	20.994
Ilinniarnertuut ilinniarsimasut	1.026	1.092	1.160	25.774	25.589	24.599
Inuussutissarsiutinik ilinniarsimasut	6.242	6.363	6.418	27.109	27.415	27.606
Nalinniginnaasumik ilinniarsimasut aamma inuussutissarsiutinik ilinniarsimasut	106	122	137	15.960	17.691	19.121
Ingerlaqqilluni ilinniarsimasut	3.670	3.792	3.865	38.852	39.181	39.809

Najoqqutaq: Naatsorsueqqissaartarfik <http://bank.stat.gl/ARNBFB8>

Naatsorsukkat saqqummersitamit ”2013-mi sulisinnaasut”-mit qinigaapput annertunngitsut, Kalaallit Nunaanni Naatsorsueqqissaartarfiup tamanut saqqummiuteqqammisaani.

Saqqummersitaq Naatsorsueqqissaartarfiup nittartagaanit www.stat.gl iserfigalugu pdf-fiilitut aaneqarsinnaavoq. Taamatuttaaq sulineq pillugu kisitsisit atorlugit nassuiaasiami Naatsorsueqqissaartarfiup Kisitsisaataasivia bank.stat.gl iserfigalugu tabelit peqqissaartumik suliat aallerfigineqarsinnaalutik.

Paasissutissanik annertunerusunik kissaateqartoqassaguni allaffimmi pisortaq Lars Geraae oqarasuaatikkut 34 57 87–ikkut saaffigineqarsinnaavoq imaluunniit nassuiaasiornermi siunnersorti Søren W. Børgesen e-mail swbo@stat.gl atorlugu saaffigineqarsinnaavoq.